

Tatou faiga faavae tau soifua maloloina ma auaunaga i le tino ma le mafaufau e lē o malosi atoatoa

Soifua Maloloina Lautele

E taulai le soifua maloloina lautele i le foia o tulaga e te ma'ī ai ma fesoasoani ia te oe ia e mataala i le tausiga o lou soifua maloloina ma le soifua manuia. O loo faia lea tulaga e auala atu i faiga nei:

- faalauiloa gaioiga maloloina lelei – mo se faataitaiga, tuu le ulaula, toaga e gaioid, taumafa paleni
- puipuiga o le soifua maloloina o tagata i faiga o loo mautinoa ai e lē o aafia le suavai ma meaai i faama'ī
- foia faama'ī e auala atu i tuipuipui, polokalame e iloa ai poo maua i se gasegase ma isi auaunaga e patino i le mataituina o le soifua maloloina ma le soifua manuia
- lagolagoina malosi taiala lautele tau soifua maloloina e pei o auala tau femalagaiga e toaaga ai tagata e gaioid, tulafono e tapu ai le ulaula, ma faaitiitia auala e maua ai taaloga faitupe ma le ava malosi.
- galuega e tali atu ai i faama'ī ua pepesi i le atunuu ma faama'ī ua pepesi i le lalolagi.

Ia sili atu ona malosi ma fesoatai galuega e tali atu ai le soifua maloloina lautele ma o lona uiga o le a mafai e tagatanuu Niu Sila ona ola maloloina mo se taimi umi.

O ā mea ua suia nei?

O le a faavae se Public Health Agency i totonu o le Matagaluega o Soifua Maloloina ma o le a feagai ma taiala tau soifua maloloina lautele, fuafuaga faataatitia, mataituina ma le faamaopoopoina o faamatalaga. O le a aogā lea faiga e mafai ai e le faiga faavae ona malamalama atili ma tali atu i mea e ono afaina ai le soifua maloloina lautele ma tuuina atu faamaoniaga ia i latou o loo tuufaatasia taiala.

O le a aofia i totonu o le Health NZ se auaunaga aoao tau soifua maloloina lautele, ma o le a tuufaatasia ai Public Health Units e 12 o se vaega e tasi e faatinoa auaunaga. O le a sili atu ona mafai ona faamaopoopo auaunaga tau soifua maloloina lautele, tali atu i mea e ono afaina ai le atunuu e pei o le COVID-19 ma le pepesi o le misela, ma faaletonu e pei o le ulaula.

O le a siitia le Te Hiringa Hauora/The Health Promotion Agency i lalo o le Health New Zealand ma o le a avea ma auaunaga e faaaogā faatasi e le Health NZ ma le Māori Health Authority. O lona uiga o le a tutusa agavaa ma tomai faapitoa mo le atinaega o polokalame faalauiloa tau soifua maloloina ma faigofie ai ona faataunuu auaunaga i totonu o le faiga faavae atoa.

O le a faavae se komiti fou mo tomai faapitoa latou te fautuaina tulaga tau soifua maloloina, ma saunia fautuaga tutoatasi e tuuina atu i le Malo i mataupu tau soifua maloloina lautele. O le a lagolagoina le komiti lenei e le Public Health Agency.

Aisea?

E ui i le lelei o taitaiga i la tatou tali atu i le COVID-19 faatusa i isi atunuu o le lalolagi, ae ua atagia malosi ai vaivaiga, aemaise lava i le faia o se faamaopoopoga sili atu ona lelei mo Public Health Units e 12 i le atunuu atoa ma taitaiga e tusa ai ma le tali atu i mea e ono afaina tele ai le atunuu atoa, ma o le a mafai ai ona faasoa lelei faiga aupito sili ona lelei ma faaleleia auaunaga i totonu o le faiga faavae atoa.

E mafai ai e la tatou faiga faavae tau soifua maloloina ma auaunaga i le tino ma le mafaufau e lē o malosi atoatoa ona faaaogā lelei mea ua tatou iloa e uiga i le soifua maloloina o tatou tagata, mo le fausia o auala aupito sili ona lelei e faataunuu ai auaunaga tau soifua maloloina. O lona uiga o le a tuufaatasia agavaa tāua e pei o tagata e iloiloina faamaumauga ma faamaopoopoa faamatalaga i le faiga faavae fou auā se tuualalo e faailoa atu i taiala, polokalame ma meafai. Matou te iloa foi e moomia ona taulai le tele o galuega e foia ai faama'i, ma atiae ma faataunuu auaunaga e uunaia ma puipua ai le soifua maloloina lelei ma le soifua manuia.

O le a faapeī foliga o lea faiga faavae fou i le lumanai?

O le a taulai le tele o galuega a lo tatou faiga faavae tau soifua maloloina ma auaunaga i le tino ma le mafaufau e lē o malosi atoatoa i le uunaia o le soifua maloloina lelei ma le soifua manuia, faiga e vave tali atu ai i faama'i ma faataunuu tausiga o tagata i totonu o afioaga.

O le a sili atu ona malosi ma maopoopo auaunaga tau soifua maloloina lautele i totonu o le faiga faavae atoa e faamautinoa ai le malosi tele o galuega e tali atu ai i mea o afaina tele ai lo tatou soifua maloloina i le atunuu atoa, itumalo ma lotoifale. O le a mafai ai ona faamautinoa e talafeagai lelei galuega e foia ma vave tali atu ai ma faatāuina ai finagalo o tagata, aiga ma afioaga.

O le a atiae auaunaga faalotoifale i manaoga o tagata, ma e fua i tulaga o le a iai manaoga tau soifua maloloina i le lumanai. O le a faaaogā faamaumauga ma isi nofoaga e maua ai faamatalaga i le faiga faavae atoa e atiae ai taiala ma auaunaga e sili atu ona talafeagai e foia ai faama'i, ma mataituina ai aafiaga tau le siosiomaga e ono afaina ai le soifua maloloina lautele.

O le ā le isi laasaga?

O masina o sosoo ai o le a auiliili lelei ai le faataatiaga o galuega i auala e ono aogā ai le faatinoga o faatulagana fou nei, ma o le a aofia ai afioaga i le atinaega o auaunaga tau soifua maloloina faalotoifale e auala atu i nofoaga faalotoifale. O lenei galuega o le a aofia ai faatalatalanoaga ma le tele o tomai faapitoa ma paaga.

E te fia iloa atili?

Mo nisi faamatalaga e uiga i galuega ma tulaga ua ausia mo le toefuataia o galuega tau soifua maloloina, tagai i le upegatafailagi a le DPMC i le itulau o loo ta'ua ai galuega a le Transition Unit:

www.dPMC.govt.nz/our-business-units/transition-unit